



Uchelgais Gogledd Cymru  
Ambition North Wales

# Pecyn Swydd ar gyfer yr Uwch Swyddog Gweithredol

[uchelgaigogledd.cymru](http://uchelgaigogledd.cymru)

# Cynnwys

|                    |    |
|--------------------|----|
| Cyflwyniad         | 3  |
| Am y swydd         | 4  |
| Swydd Ddisgrifiad  | 5  |
| Manylion Person    | 7  |
| Ymunwch a'r Tîm    | 9  |
| Ein Gwerthoedd     | 10 |
| Amserlen Recriwtio | 11 |
| Gweithio i ni      | 11 |
| Buddion            | 12 |

Am fwy o wybodaeth am y swydd,  
cysylltwch â:



Nia Medi Williams  
Rheolwr Adnoddau a Gweithrediadau  
[swyddi@uchelgaigsgogledd.cymru](mailto:swyddi@uchelgaigsgogledd.cymru)



# Amser cyffrous i ymuno â'r tîm

Rydym wrth ein bodd eich bod yn ystyried ymuno â thîm Uchelgais Gogledd Cymru. Rydym yn dîm o unigolion angerddol a brwdfrydig sy'n falch o fod yn rhan o ddatblygu economi Gogledd Cymru. Rydym yn gyfrifol am gyflawni portffolio o brosiectau cyfalaf ar draws y rhanbarth, ac rydym wedi gwneud cynnydd sylweddol dros y ddwy flynedd diwethaf. Cymeradwywyd y prosiect cyntaf ym mis Rhagfyr 2021 a byddwn yn gweld llawer mwy o brosiectau yn symud ymlaen eleni. Ni fu erioed amser mwy cyffrous i ymuno â'r tîm.

Mae Uchelgais Gogledd Cymru yn bartneriaeth gref, sy'n gweithio ar ran Gogledd Cymru i gyflawni yn erbyn gweledigaeth ar gyfer ffyniant economaidd i'r dyfodol. Sefydlwyd y Swyddfa Rheoli Portffolio i gyflawni'r Cynllun Twf, ac bellach mae y cylch gwaith ehangach gan fod yn Gyd-Bwyllgor Corfforedig y Gogledd. Mae'r tîm yn cefnogi uchelgeisiau rhanbarthol ar gyfer economi gryfach, mwy gwydn a chynaliadwy yn y dyfodol.

Ein huchelgais wrth symud ymlaen yw denu buddsoddiad i Ogledd Cymru a chyflawni dyfodol mwy lle wyrchus i bawb sy'n byw ac yn gweithio yma. Bydd prosiectau'r Cynllun Twf yn creu swyddi newydd â chyflogau uchel, yn denu buddsoddiad ac yn y pen draw yn adeiladu economi fwy bywiog, cynaliadwy a gwydn yn ein cymunedau, ar gyfer pobl ifanc ac ar gyfer cenedlaethau'r dyfodol.

Rydym yn gweithio'n agos fel tîm ac wedi datblygu set o werthoedd sy'n ategu sut rydymyn gweithio a'r hyn rydym yn ei ddisgwyl gan eraill. Rydym yn uchelgeisiol, rydym yn grymuso ac yn cefnogi ein gilydd i lwyddo, mae gennym uniondeb ac rydym yn gwneud fel y dywedwn ac rydym yn parchu ac yn gwerthfawrogi pobl a'u safbwyntiau wrth i ni lunio dyfodol gwydn i Ogledd Cymru. Gobeithiwn y byddwch yn ystyried gwneud cais am y swydd hon a gobeithio y byddwch yn ymuno â ni ar y daith.



**Cyng. Mark Pritchard**

Cadeirydd Cyd-  
Bwyllgor Corfforedig y  
Gogledd



**Alwen Williams**

Prif Weithredwr  
Uchelgais Gogledd  
Cymru

# Am y swydd

## UWCH SWYDDOG GWEITHREDOL

Mae hwn yn gyfle cyffrous i ymuno a thîm Uchelgais Gogledd Cymru, fel ein Uwch Swyddog Gweithredol byddwch yn chwarae rôl allweddol ar gyfer gwaith gweithredol Uchelgais Gogledd Cymru, er mwyn gweithredu fel Cyd-Bwyllgor Corfforedig. Mae'r swydd o fewn y tîm Gweithrediadau a Adnoddau sydd yn gyfrifol am ddarparu cefnogaeth weithredol ar draws tîm Uchelgais Gogledd Cymru a'r portffolio eang o brosiectau. Byddwch yn gweithio gyda amrywiaeth o randdeiliaid, gan gynnwys partneriaid Cyd-Bwyllgor Corfforedig y Gogledd ynghyd a'r sector breifat.

Rydym yn chwilio am unigolyn hynod drefnus a gweithgar i ddarparu cefnogaeth weithredol ar gyfer y Swyddfa Rheoli Portffolio ac y Cyd Bwyllgor Corfforedig. Yn gyfrifol am reoli hyd at bump aelod o staff ac cydlynu adnoddau'r tîm a sicrhau ei bod yn cael ei dyrannu yn briodol i gefnogi cyflawni a gweithredu ar draws swyddogaethau'r tîm.

Gan arwain ar gydlynw cefnogaeth weithredol ar gyfer cyfarfodydd y Cyd-Bwyllgor Corfforedig a'i Is-Bwyllgorau, hynny drwy weithio'n effeithiol gyda tîm Gwasanaethau Democratiaeth. Bydd disgwyl i'r swyddog fod a llygaid am fanylder a chysondeb gan sicrhau ansawdd ar draws holl dogfennaeth y pwyllgorau.

Bydd y swyddog yn gyfrifol am arwain ar reoli holl systemau Uchelgais Gogledd Cymru. Mae'r systemau ar hyn o bryd yn cynnwys Sharepoint ar gyfer cadw dogfennau, Mewnruyd, system reoli prosiect, system monitro ac adrodd ar fuddion a gwerth cymdeithasol. Bydd disgwyl i'r Uwch Swyddog Gweithredol arwain ar uchafu defnydd y systemau presennol, datblygu'r systemau yn bellach i gyrraedd ei llawn botensial ac adnabod unrhyw anghenion systemau pellach o fewn y tîm.

Bydd yr Uwch Swyddog Gweithredol yn cael ei ddynodi yn Swyddog Diogelu Data ar gyfer Uchelgais Gogledd Cymru, gyda disgwyliad i arwain ar gydlynw Rhyddid Gwybodaeth ac Rheoli Data.

Os ydych chi'n rhywun sy'n ffynnu mewn amgylchedd cyflym, sy'n gallu gweithio ar flaenoriaethau cystadleuol, ac yn ymfalchio mewn galluogi timau i lwyddo, byddem wrth ein bodd yn clywed gennych.

# Swydd Ddisgrifiad

## Pwrrpas y swydd

Mae'r Uwch Swyddog Gweithrediadau yn gyfrifol am reoli cefnogaeth weithredol o fewn tîm Gweithrediadau ac Adnoddau, Uchelgais Gogledd Cymru. Mae'r rôl â chyfrifoldeb am ddarparu cefnogaeth weithredol i'r Swyddfa Rheoli Portffolio a'r Cyd-bwyllgor Corfforedig. Arwain ar gydlynu'r Cyd-bwyllgor Corfforedig a'i Is-bwyllgorau.

**Cyflog** £50,269 - £52,413 (PS6)

**Oriau** Hyd at 37 awr yr wythnos\*

**Cytundeb** cytundeb 2 flynedd

**Lleoliad** Cyffordd Llandudno (hybrid gyda gweithio o gartref)

\*Mae'r swydd yn llawn amser, ond byddwn yn ystyried ceisiadau gweithio'n hyblyg ar gyfer yr ymgeisydd cywir

## Cyfrifoldebau Craidd y Tîm

- Cyfrifol am ymgorffori gwerthoedd ac ymddygiadau Uchelgais Gogledd Cymru.
- Cyfrifoldeb ar y cyd fel rhan o'r tîm i gyflawni blaenoriaethau Uchelgais Gogledd Cymru.
- Cyfrifol am gefnogi cydweithwyr ac aelodau'r tîm i gyflawni blaenoriaethau Uchelgais Gogledd Cymru.
- Gweithredu fel llysgennad i Uchelgais Gogledd Cymru a'r rhanbarth.





# Cyfrifoldebau Penodol i'r Rôl

- Arwain a Rheoli hyd at bump o weithwyr.
- Cefnogi gwaith y Rheolwr Gweithrediadau ac Adnoddau.
- Cydlynu adnoddau (gan gynnwys bod yn rheolwr llinell ar y tîm cefnogaeth weithredol) ar draws meysydd cyfrifoldeb y tîm i gefnogi cyflawni a gweithredu Cynllun Twf Gogledd Cymru a swyddogaethau ehangach y Cyd-bwyllgor Corfforedig.
- Cydlynu cefnogaeth weithredol ar gyfer pob cyfarfod a gweithio mewn partneriaeth â'r Gwasanaethau Democratiaeth i sicrhau bod yr holl bwyllgorau'n cael eu cydlynu'n effeithiol, gan gynnwys rheoli blaen-raglenni gwaith, rheoli adroddiadau ac ansawdd yr adroddiadau hynny.
- Goruchwyllo gwaith y Rheolwr Prosiect Cyllid, yn cynnwys rheolaeth llinell, cefnogi'r gwaith o reoli prosesau cyllid a hawliadau ar ran y Cyd-bwyllgor Corfforedig, gan gynnwys cynorthwyo gyda cheisiadau am gyllid allanol a chydlynu'r gwaith o asesu hawliadau cyllid ar gyfer prosiectau'r Cynllun Twf.
- Cydlynu a rheoli holl systemau Uchelgais Gogledd Cymru gan gynnwys systemau sydd wedi'u caffael yn fewnol ac yn allanol.
- Arwain ar gydlynu Rhyddid Gwybodaeth a Rheoli Data, gan weithredu fel Swyddog Diogelu Data ar gyfer y Cyd-bwyllgor Corfforedig.
- Cefnogi'r Rheolwr Gweithrediadau ac Adnoddau i sicrhau cydymffurfiaeth â'r holl ofynion caffael, archwilio, cyfreithiol, ariannol a rheoli gwybodaeth.
- Gweithredu fel pwynt cyswllt i'r cyrff allanol hynny sy'n ceisio ymgysylltu ag Uchelgais Gogledd Cymru, gan gynnwys Llywodraeth Cymru, Llywodraeth y DU a chyrff cyhoeddus eraill.
- Ymgymryd ag unrhyw ddyletswyddau gofynnol a rhesymol eraill sy'n gymesur â lefel y rôl i gefnogi cyflawniad blaenoriaethau sefydliadol.



## Ein Gwerthoedd



### Rydym yn Uchelgeisiol

Rydym yn ymdrechgu i gyflawni'r gorau ar gyfer Gogledd Cymru. Rydym yn arweinwyr yn ein meysydd, ffurfwyr barn a dylanwadwyr, ac rydym yn herio meddwl confensiynol. Rydym yn dilyn safonau uchel, yn anelu at fod yn ein gorau, ac yn datblygu ein hunain yn broffesiynol yn barhaus.



### Rydym yn gweithio ar y cyd

Rydym yn rhannu gwybodaeth, sgiliau, gwybodaeth a chefnogaeth ac yn sicrhau ein bod yn rhoi gwybod i gydweithwyr. Rydym bob amser yn helpu ein gilydd, yn hwyluso cyfleoedd i Ogledd Cymru ac yn cydnabod bod ein heffaith ar y cyd yn fwy sylweddol na'n heffaith unigol.



### Rydym yn gwneud y peth iawn

Rydym ni'n gwneud y peth iawn, nid yr hyn sy'n hawdd. Rydym yn herio ymddygiad anfoesegol ac yn siarad pan nad yw pethau'n teimlo'n iawn. Rydym yn barchus, yn deg ac yn ystyriol a gallwn ymddiried ynddo i gyflawni ymrwymadau y cytunwyd arnynt ar amser.



### Rydym yn gwneud gwahaniaeth

Rydym yn mynd ar drywydd cyfleoedd i wneud gwahaniaeth yng Ngogledd Cymru. Rydym yn hyrwyddo'r Gymraeg, treftadaeth a diwylliant ac yn cefnogi elusennau rhanbarthol. Rydym yn diogelu'r amgylchedd ac yn chwilio am gyfleoedd i leihau ein hól troed.

## Ymddygiadau craidd i bob rôl

- Arweinyddiaeth - rydym oll yn arwain drwy esiampl ac rydym i gyd yn arweinwyr yn ein meysydd ein hunain.
- Cyfrifoldeb - rydym yn cymryd cyfrifoldeb am ein gwaith, ein perfformiad a'n datblygiad.
- Parch - rydym yn parchu ein cydweithwyr, ein partneriaid a'n rhanddeiliaid ac yn arddangos hyn drwy ein gwaith ac yn y ffordd yr ydym yn adeiladu perthnasau effeithiol.



# Manylion Person

## Cymwysterau

- Addysg i lefel gradd neu gyfwerth
- Tystiolaeth o ddatblygiad proffesiynol parhaus perthnasol

## Profiad, Gwybodaeth a Sgiliau

- Profiad a thystiolaeth o ddarparu cymorth gweithredol yn llwyddiannus ar lefel uwch.
- Profiad a thystiolaeth o gydlynu adnoddau a rheoli gweithredol.
- Profiad o weithio mewn neu gefnogi sefydliadau sector cyhoeddus neu sefydliadau partner, yn ddelfrydol gydag ymwybyddiaeth o strwythurau llywodraethu (e.e. pwyllgorau, byrddau).
- Profiad a thystiolaeth o sgiliau cyfathrebu a rhyngbersonol effeithiol i gysylltu â thimau mewnol, uwch reolwyr, a phartneriaid allanol.
- Y gallu i gydweithio ar draws timau a chyrff allanol i gefnogi nodau cyffredin.
- Profiad pendant o arwain a bod yn rheolwr llinell, yn ddelfrydol rheoli tîm bach (hyd at bump o weithwyr).
- Y gallu i ganolbwyntio ar fanylder, sicrhau cywirdeb a thrylwyrdd ym mhob tasg wrth nodi anghysondebau a chynnal safonau ansawdd uchel.
- Gwybodaeth a dealltwriaeth o strwythurau a phrosesau llywodraeth leol, ranbarthol a chanolog.
- Gwybodaeth a dealltwriaeth o gyflwyno rhaglenni a phrosiectau.
- Gwybodaeth a dealltwriaeth gyffredinol o Ogledd Cymru, Cyd-bwyllgor Corfforedig y Gogledd a phartneriaeth Uchelgais Gogledd Cymru

## Gofynion Iaith

Ar gyfer y rôl hon mae'r gofynion canlynol yn HANFODOL:

- Gwrando a Siarad - Yn gallu ymdrin â holl agweddau'r swydd yn llafar mewn modd hyderus yn y Gymraeg a'r Saesneg.
- Darllen a Deall - Yn gallu defnyddio a dehongli unrhyw wybodaeth yn gywir o amrywiaeth eang o ffynonellau, yn y Gymraeg ac yn Saesneg, er mwyn gallu ymdrin â phob agwedd o'r swydd.
- Ysgrifennu - Yn gallu cyflwyno gwybodaeth ysgrifenedig yn hollol hyderus yn y Gymraeg ac yn Saesneg gan ddefnyddio'r ieithwedd a'r arddull fwyaf priodol i gwrdd ag anghenion y darlennydd.





# Ymunwch a'n tîm

A oes gennych chi angerdd dros Ogledd Cymru ac awydd i weld y rhanbarth yn tyfu ac yn cyflawni ei botensial? Ydych chi'n frwdfrydig, yn ymroddedig ac yn chwaraewr tîm?

Os felly, fe allech chi fod y person rydyn ni'n chwilio am i ymuno â'n tîm.

Fel partneriaeth mae cydweithio a gweithio mewn partneriaeth yn graidd i'r hyn ydym yn ei wneud fel tîm. Rydym yn chwilio am unigolyn sydd â sgiliau rhyngbersonol rhagorol, sy'n frwd dros weithredu i'r rhanbarth ac yn gallu datblygu a chynnal perthnasoedd ar draws partneriaid i yrru'r prosiectau yn eu blaenau.

Er bod gan bob rôl o fewn y tîm ei ffocws ei hun, bydd disgwyl i chi gyfrannu at waith ehangach y tîm a llwyddiant y tîm cyfan. Rydym yn chwilio am chwaraewyr tîm sy'n gallu arwain eu meysydd eu hunain ond hefyd yn cefnogi eu cydweithwyr i gyflawni. Yn gyfnewid am hyn, fe welwch lwyth gwaith amrywiol a diddorol gyda chyfleoedd i gyfrannu ar draws ein portffolio.

Mae datblygiad proffesiynol a phersonol yn bwysig i ni. Bydd y tîm yn Uchelgais Gogledd Cymru yn rhoi amgylchedd gefnogol i chi barhau â'ch datblygiad gyda nifer o gyfleoedd datblygu ffurfiol ac anffurfiol ar gael. Rydym yn annog ein tîm i ddilyn cyfleoedd datblygu proffesiynol ac rydym yn chwilio am unigolion sydd â'r awydd i ddysgu a gwella.

Mae rhai o'n rolau yn gofyn am sgiliau Cymraeg, fodd bynnag, rydym yn chwilio am unigolion sy'n cydnabod pwysigrwydd y Gymraeg, sydd ag empathi at y diwylliant Cymreig ac sydd wedi ymrwymo i wella eu sgiliau ieithyddol. Os yw hyn yn swnio fel chi, edrychwn ymlaen at glywed gennych.

Mae Gogledd Cymru yn lle ardderchog i fyw a gweithio, beth am chwarae rhan allweddol wrth lunio ei ddyfodol?



Hedd Vaughan-Evans

Pennaeth Gweithrediadau  
Uchelgais Gogledd Cymru

# Amserlen Recriwtio



## Dyddiad cau

Dylid cyflwyno ceisiadau erbyn

10yb

10/11/2025



## Rhestr Fer

Byddwn yn anelu i gysylltu gyda y rhai sydd ar y rhestr fer erbyn y dyddiad yma gyda manylion dyddiadau yr asesiadau a'r cyfweiliad.

erbyn

14/11/2025



## Asesiadau

Bydd asesiadau yn cymryd lle cyn y cyfweiliad. Byddwch yn derbyn y manylion os ar y rhestr fer.

w/c

10/11/2025



## Cyfweiliadau

Bydd union ddyddiad/amser yn cael ei gadarnhau ar lunio y rhestr fer.

cychwyn

Rhagfyr

# Y Broses Ymgeisio

Dilynwch y linc [yma](#) i gysylltu â phorth recriwtio Cyngor Gwynedd. Bydd gofyn i chi greu cyfrif i gyflwyno cais.

Cofiwch lenwi pob adran o'r ffurflen. Mae croeso i chi gyflwyno eich ffurflen yn Gymraeg neu Saesneg.

Ar ôl y dyddiad cau bydd panel asesu yn asesu eich cais yn erbyn y gofynion a nodir yn y fanyleb bersonol. Cofiwch sicrhau fod eich datganiad personol yn cyfarch yr holl ofynion hanfodol sydd wedi ei gosod allan yn y manylion person.

Bydd ymgeiswyr sy'n cyrraedd y rhestr fer yn cael eu gwahodd i gyfweiliad, bydd manylion y cyfweiliadau yn cael eu hanfon o leiaf wythnos ymlaen llaw.

Byddwn yn gofyn i ymgeiswyr gwblhau tasg cyn y cyfweiliad (bydd manylion llawn yn cael eu cynnwys yn y llythyr cyfweiliad).

Sylwch na fydd ceisiadau a ddaw i law ar ôl y dyddiad cau yn cael eu hystyried



# Y Cyflogwr

Cyd-Bwyllgor Corfforedig y Gogledd ydi'r awdurdod cyflogi.

Mae Cyd-bwyllgorau Corfforedig (CBC) yn endidau llywodraeth leol corfforaethol, rhanbarthol newydd sydd â phwerau, dyletswyddau, llywodraethiant a strwythurau gweinyddol tebyg i awdurdodau lleol yng Nghymru.

Sefydlwyd pedwar CBC yng Nghymru ar 1af o Ebrill 2021, yn seiliedig ar yr ardaloedd daearyddol y gofynnwyd amdanynt gan llywodraeth leol, ac yn adlewyrchu trefniadau cydweithio Rhanbarthol oedd yn bodoli eisoes. Mae Cyd-bwyllgor Corfforedig y Gogledd yn cynnwys y chwe awdurdod lleol yng Ngogledd Cymru – Ynys Môn, Gwynedd, Conwy, Sir Ddinbych, Sir y Fflint, Wrecsam ynghyd ag Awdurdod Parc Cenedlaethol Eryri. Mae Cyd-Bwyllgor Corfforedig y Gogledd yn cael ei adnabod o dan y brand Uchelgais Gogledd Cymru.

Ar hyn o bryd mae gan y Cyd-bwyllgor Corfforedig dri maes mae'n canolbwyntio arnynt – cynllunio strategol, trafndiaeth strategol a llesiant economaidd.



# Buddion

Mae nifer o fuddion o weithio i Uchelgais Gogledd Cymru, mae manylion llawn ar gael yma. Dyma grynodedb o'r prif fuddion:

## Cynllun Pensiwn

Mae Uchelgais Gogledd Cymru yn gweithredu Cynllun Pensiwn Llywodraeth Leol. Mae gwybodaeth am y gronfa ar gael ar wefan Cronfa Bensiwn Gwynedd

## Gwyliau Blynnyddol

Mae gan weithwyr yr hawl i rhwng 21 a 30 diwrnod o wyliau'r flwyddyn yn ddibynnol ar raddfa'r swydd. Yn ogystal, mae gan weithwyr hawl i 8 diwrnod o wyliau banc / gwyliau cyhoeddus a 3 ½ diwrnod arall

## Absenoldebau Arbennig

Yn ogystal â'r gwyliau uchod, gellir caniatáu absenoldeb gyda thâl mewn amgylchiadau arbennig megis symud tŷ, profedigaeth, mynychu apwyntiadau meddygol, ymgymryd a dyletswyddau cyhoeddus

## Cydbwysedd bywyd a gwaith

Mae Uchelgais Gogledd Cymru yn cynnig nifer o gyfleodd gweithio'n hyblyg er mwyn helpu gweithwyr i daro cydbwysedd iach rhwng bywyd cartref a gwaith. Gall gweithiwr fanteisio o'r trefniadau canlynol:

- Cynllun gweithio oriau ystwyth
- Absenoldeb mamolaeth, tadolaeth a mabwysiadu
- Absenoldeb ychwanegol heb dâl i rieni a gofalwyr
- Gweithio'n hyblyg

## Hyfforddiant a datblygiad

Mae Uchelgais Gogledd Cymru yn gweld gwerth uchel mewn buddsoddi yn ei adnodd pwysicaf - sef ei weithwyr. Gall pob gweithiwr ddisgwyl:

- Proses anwytho ffurfiol ac adolygiadau perfformiad parhaus
- Ystod eang o gyfleodd hyfforddi a datblygu mewnol ac allanol
- Cyfraniad tuag at aelodaeth o gyrff proffesiynol sy'n berthnasol i'r gwaith



[uchelgaigogledd.cymru](http://uchelgaigogledd.cymru)  
[swyddi@uchelgaigogledd.cymru](mailto:swyddi@uchelgaigogledd.cymru)